

**სახელმწიფო შესყიდვის შესახებ
ხელშეკრულება N98**

დ. ადიგენი

22 აპრილი 2024 წელი

ერთის მხრივ ადიგენის მუნიციპალიტეტის მერია წარმოდგენილი მისი მერის გოჩა ქიმაძის სახით (შემდგომში - შემსყიდველი),
მისამართი: დაბა ადიგენი, თამარ მეფის ქ. N5
საიდენტიფიკაციო კოდი: №222729162
ტელეფონის ნომერი: 0366291308
საბანკო რეკვიზიტები:
ბანკის კოდი: TRESGE22;
ანგარიშის ნომერი: სახელმწიფო ხაზინა
ა/ა GE24NB0330100200165022;

და მეორე მხრივ შპს "ბიზნეს ჯგუფი 2010" წარმოდგენილი მისი დირექტორით სიმონ მეფარიძის სახით (შემდგომში - მომწოდებელი),
მისამართი: თბილისი, ალ. ქართველიშვილის ქ. 7
საიდენტიფიკაციო კოდი: №208141321
ტელეფონის ნომერი: 0322 2 919229
საბანკო რეკვიზიტები: ს.ს „საქართველოს ბანკი“
ბანკის კოდი: BAGAGE22
ანგარიშის ნომერი: GE48BG0000000707273700

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“, „სახელმწიფო შესყიდვების შესახებ“ საქართველოს კანონის 161 მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT240000179) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. "ხელშეკრულება სახელმწიფო შესყიდვების შესახებ" (შემდგომში - "ხელშეკრულება") - შემსყიდველსა და მომწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით. ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია.
- 1.2. "ხელშეკრულების ღირებულება" - ხელშეკრულების ჯამური ღირებულება, რომელიც უნდა გადაიხადოს შემსყიდველმა მომწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. "დღე", "კვირა", "თვე" - კალენდარული დღე, კვირა, თვე.
- 1.4. "შემსყიდველი" - ორგანიზაცია რომელიც ახორციელებს შესყიდვას.
- 1.5. "მომწოდებელი" - პირი, რომელიც ახორციელებს მომსახურებას ხელშეკრულების ფარგლებში.
- 1.6. "საქონელი" - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. 'ტექნიკური დოკუმენტაცია': მომწოდებლის მიერ NAT240000179 ელექტრონული ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც შეიძლება არ დაერთვეს ხელშეკრულებას, მაგრამ არის მისი განუყოფელი ნაწილი.

2. ხელშეკრულების საგანი

- 2.1 ადიგენის მუნიციპალიტეტის 2024 წლის დამტკიცებული ბიუჯეტის სახსრებით ერთი ერთეული ექსკავატორ-დამტვირთველის (მრავალფუნქციური ტრაქტორი) შესყიდვა (CPV - 43200000 - მიწის სათხრელი და სახაპავი მანქანები და მათი (მათთან დაკავშირებული) ნაწილები; 43262000 - ექსკავატორები)
- 2.2 ხელშეკრულებით გათვალისწინებული საქონლის აღწერა მოცემულია სატენდერო დოკუმენტაციის, კერძოდ: ტექნიკური დავალებისა (დანართი N2) და ფასების ცხრილის (დანართი N1) შესაბამისად.

3. ხელშეკრულების ღირებულება

- 3.1. ხელშეკრულების ღირებულება შეადგენს 257257 (ორასორმოცდაჩვიდმეტათასორასორმოცდაჩვიდმეტი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მომწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. დაფინანსების წყარო: 100%-ადგილობრივი ბიუჯეტი.

4. სტანდარტები და ხელშეკრულების შესრულების უზრუნველყოფის გარანტიის პირობები

- 4.1 ხელშეკრულების ფარგლებში მიწოდებული საქონელი უნდა შეესაბამებოდეს ტექნიკურ პირობებში მითითებულ სტანდარტებს.
- 4.2 ხელშეკრულების შესრულების უზრუნველყოფის მიზნით, მომწოდებლის მიერ შემსყიდველისათვის წარმოდგენილი, საქართველოს კანონმდებლობის შესაბამისად სს „ბაზის ბანკის“ მიერ გაცემული ხელშეკრულების შესრულების გარანტია (N297859, 17.04.2024 წელი), გარანტიის თანხა შეადგენს ხელშეკრულების ღირებულების 5 %-ს, 12863 ლარს.

4.3 ამ მუხლის მეორე პუნქტით გათვალისწინებული ხელშეკრულების შესრულების უზრუნველყოფის გარანტიის ვადა აღემატება ხელშეკრულების საქონლის მოწოდების ვადას არანაკლებ 30 (ოცდაათი) კალენდარული დღით, **არანაკლებ 2024 წლის 30 ივლისი ჩათვლით**

4.4 ამ მუხლის მეორე პუნქტით გათვალისწინებული ხელშეკრულების შესრულების უზრუნველყოფის გარანტია თავისი შინაარსით უნდა იყოს უპირობო, გამოუხმობადი და შემსყიდველს უნდა აძლევდეს უფლებას, ხელშეკრულების შესრულების უზრუნველყოფის გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს შესაბამისი თანხა.

4.5 მიმწოდებლის მიერ შემსყიდველისათვის წარდგენილი, ხელშეკრულების შესრულების უზრუნველყოფის უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიაღება შემსყიდველს მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების შედეგად, აგრეთვე, შემსყიდველის მიერ მიმწოდებლისათვის დაკისრებული პირგასამტეხლოს ანაზღაურებისა და ხელშეკრულებით გათვალისწინებულ სხვა შემთხვევებში.

4.6 მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისა და შემსყიდველის მიერ ამ შესრულების მიღების შემდეგ, სამუშაოების საბოლოო მიღება-ჩაბარების გაფორმების შემდგომ, შემსყიდველი ვალდებულია, დაუბრუნოს მიმწოდებელს ამ მუხლის მეორე პუნქტით გათვალისწინებული ხელშეკრულების შესრულების უზრუნველყოფის გარანტია

4.7 მიმწოდებლის მიერ ხელშეკრულების შეწყვეტის შემთხვევაში, შემსყიდველს უფლება აქვს, აამოქმედოს ამ მუხლის მეორე პუნქტით გათვალისწინებული ხელშეკრულების შესრულების უზრუნველყოფის გარანტია სრული ოდენობით.

4.8 შემსყიდველის მიერ ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია, უზრუნველყოს ამ მუხლის მეორე პუნქტით გათვალისწინებული ხელშეკრულების შესრულების უზრუნველყოფის გარანტიის ვადის გაგრძელება და შემსყიდველს წარუდგინოს აღნიშნულის დამადასტურებელი დოკუმენტი (ცვლილება/ახალი საბანკო გარანტია).

5. საპატენტო უფლებები

5.1 საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე საპატენტო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში და უნდა მოიცავდეს საქართველოს კანონმდებლობით დადგენილ ყველა გადასახადს.

6.2. ანგარიშსწორების განხორციელებისათვის აუცილებელია 7.2 ქვეპუნქტში მითითებული მიღება- ჩაბარების აქტი და შესაბამისი საგადასახადო დოკუმენტაცია.

6.3. შემსყიდველის მიერ ანგარიშსწორება განხორციელდება ფაქტობრივი მიწოდების შესაბამისად, არაუგვიანეს 10 (ათი) სამუშაო დღის ვადაში.

6.4. წინასწარი ანგარიშსწორების (ავანსი) გამოყენება შესაძლებელია, საავანსო თანხის იდენტური ოდენობის, უპირობო, გამოუთხოვადი საბანკო გარანტიის წარმოდგენის შემთხვევაში, ხელშეკრულების ღირებულების არაუმეტეს 30%-სა.

6.5. წინასწარი ანგარიშსწორების მოთხოვნის შემთხვევაში, ანგარიშსწორება უნდა განხორციელდეს მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საქართველოს ეროვნული ბანკის მიერ ლიცენზირებული საბანკო დაწესებულების მიერ გაცემული უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი გარანტიის საფუძველზე.

6.6. წინასწარი ანგარიშსწორების გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს საქონლის მიწოდების საბოლოო ვადას.

6.8. ავანსის შემთხვევაში ანგარიშსწორება განხორციელდება ავანსის სახით გადახდილი თანხის სრულად გამოქვითვის შემდეგ და დარჩენილი თანხის გადახდა მოხდება საქონლის მოწოდების შემდგომ

6.9 ანგარიშსწორება განხორციელდება 2024 წლების ადგილობრივი ბიუჯეტის სახსრებით.

7. საქონლის მიწოდების ვადა და მიღება-ჩაბარების წესი

7.1 საქონლის მიწოდების ვადაა: **ხელშეკრულების გაფორმებიდან 30 კალენდარული დღის ვადაში, 2024 წლის 22 მაისის ჩათვლით**

7.2. შემსყიდველის მხრიდან ხელშეკრულების შესყიდვის ობიექტის მიღება-ჩაბარებას განხორციელებს **ადიგენის მუნიციპალიტეტის მერიის ეკონომიკური განვითარებისა და ქონების მართვის სამსახურის უფროსი ვაჟა გუტაშვილი**

8. საქონლის საგარანტიო პირობები და ვადები

8.1. ხელშეკრულების 2.1 პუნქტით განსაზღვრული შესყიდვის ობიექტის საგარანტიო ვადა (სწორი ექსპლუატაციის შემთხვევაში) მიღება-ჩაბარების აქტის გაფორმებიდან ერთი წელი, ულიმიტო (მოტო) სამუშაო საათებით. ძირითად აგრეგატებზე (ძრავი, ხიდები, გადაცემათა კოლოფი). საგარანტიო მომსახურება ხორციელდება მწარმოებლის მიერ გაცემული ქარხნული გარანტიის პირობების შესაბამისად, გარდა სწრაფცვლადი ნაწილებისა (ელექტრონათურები, ელექტრო მცველები და ა. შ.).

8.2 საგარანტიო მომსახურების გაწევა უნდა განხორციელდეს საგარანტიო პერიოდის განმავლობაში, მობილური სერვის ჯგუფის მეშვეობით.

8.3. ამ ხელშეკრულებით განსაზღვრული საგარანტიო ვადის განმავლობაში, შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ წუნის გამოვლენის შემთხვევაში, მიმწოდებელმა, საკუთარი სახსრებით, მობილური სერვის ჯგუფის მეშვეობით, საგარანტიო მომსახურების გაწევა უნდა განახორციელოს შემსყიდველი ორგანიზაციის მიმართვიდან გონივრულ ვადაში არაუგვიანეს 7 კალენდარულ დღეში.

8.4 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

8.5 წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლუატაციის ან/და შენახვის პირობებში ხელშეკრულებით განსაზღვრული მახასიათებლების ან სხვა საექსპლუატაციო თვისებების დაკარგვა და ა.შ.

9. ხელშეკრულებით ნაკისრი ვალდებულებების შესრულების ინსპექტირება

9.1. ხელშეკრულების ნაკისრი ვალდებულებების ინსპექტირებას განახორციელებს ადიგენის მუნიციპალიტეტის მერიის ეკონომიკური განვითარებისა და ქონების მართვის სამსახურის უფროსი ვაჟა გუტაშვილი

9.2. ინსპექტირება გულისხმობს მიმწოდებლის მიერ ხელშეკრულების პირობების შესრულებისა და გაწეული მომსახურების ხარისხის პროცესის კონტროლს.

9.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. პირგასამტეხლო ხელშეკრულების პირობების შეუსრულებლობისათვის

10.1 ხელშეკრულების პირობების არაჯეროვნად შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლო ვალდებულების დარღვევით მიწოდებული საქონლის ღირებულების 2%-ის ოდენობით.

10.2 ხელშეკრულებით ნაკისრი ვალდებულების შეუსრულებლობის, ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი სახელშეკრულებო ღირებულების 0,02%-ის ოდენობით.

10.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.4. საგარანტიო ვადის მოქმედების პერიოდში გამოვლენილი ყველაწარმოების დეფექტის ან/და დაზიანების გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების ვადას, შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე, შესყიდვის ობიექტის ღირებულების 0.02 პროცენტის ოდენობით.

10.5 ხელშეკრულების დარღვევისთვის გათვალისწინებული ნებისმიერი დაკისრებული სანქციის ანგარიშსწორება უნდა განხორციელდეს ეროვნულ ვალუტაში - ლარში, შემსყიდველის წერილობითი მოთხოვნიდან არაუგვიანეს 10 სამუშაო დღის ვადაში.

10.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების

10%-ზე მეტი ოდენობით.

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5. მხარე ვალდებულია არანაკლებ 5 (ხუთი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 11.4. პუნქტით გათვალისწინებულ გადაწყვეტილების მიღების განზრახვის თაობაზე.

11.6. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ, ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. დავები და მათი გადაწყვეტის წესი

13.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების მოქმედების ვადა

14.1 ხელშეკრულება ძალაში შედის მხარეების მიერ კვალიფიციური ელექტრონული ხელმოწერის ან კვალიფიციური ელექტრონული შტამპის დასმის დღიდან და მოქმედებს **2025 წლის 30 მაისის** ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

15. ხელმოწერი მხარეები

„შემსყიდველი“

ადიგენის მუნიციპალიტეტის მერია

მუნიციპალიტეტის მერი:

გოჩა ქიმაძე

„მიმწოდებელი“

შპს "ბიზნეს ჯგუფი 2010"-ის დირექტორი:

სიმონ მეფარიძე

ხელშეკრულების შესრულების გარანტია #297859

გაცემის თარიღი: 17 აპრილი, 2024 წელი
გაცემის ადგილი: ქ. თბილისი, საქართველო

გარანტი: სს „ბაზისბანკი“ (მისამართი: ქ. თბილისი, წმ. ქეთევან დედოფლის გამზ. #1, ს/კ 203841833)
პრინციპალი: შპს „ბიზნეს ჯგუფი 2010“ (მისამართი: ალ. ქართველიშვილის ქ. # 7, თბილისი, საქართველო. ს/კ 208141321)
ბენეფიციარი: ადიგენის მუნიციპალიტეტის მერია (მისამართი: თამარ მეფის ქ#5, დაბა ადიგენი, საქართველო ს/კ 222729162)
საგარანტო თანხა: 12,863.00 (თორმეტი ათას რვაას სამოცდასამი) ლარი.

მხედველობაში ვიღებთ რა, რომ შპს „ბიზნეს ჯგუფი 2010“ –მა (მისამართი: ალ. ქართველიშვილის ქ. # 7, თბილისი, საქართველო. ს/კ 208141321) (შემდგომში – „პრინციპალი“) ადიგენის მუნიციპალიტეტისთვის ერთი ერთეული ექსკავატორ-დამტვირთველის (მრავალფუნქციური ტრაქტორი) შესყიდვაზე გამოცხადებულ ელექტრონულ ტენდერში (NAT240000179) წარდგენილი თავისი სატენდერო წინადადების შესაბამისად, იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ პრინციპალის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები ბენეფიციარის წინაშე პრინციპალის სახელით საერთო თანხაზე: 12,863.00 (თორმეტი ათას რვაას სამოცდასამი) ლარი და უპირობოდ ვკისრულობთ ზემოაღნიშნული თანხის გადახდას ბენეფიციარის პირველივე მოთხოვნისთანავე (არაუგვიანეს 10 საბანკო დღისა), ბენეფიციარის მოთხოვნაში პრინციპალის მიერ ხელშეკრულების პირობების დარღვევის თაობაზე მითითების საფუძველზე. ბენეფიციარის მხრიდან მოთხოვნის ან მოთხოვნილი თანხის დასაბუთების საჭიროების გარეშე.

წინამდებარე საბანკო გარანტია ძალაშია 2024 წლის 30 ივლისის ჩათვლით („გარანტიის მოქმედების ვადა“).

საბანკო გარანტიაზე ნებისმიერი მოთხოვნა გარანტს უნდა წარედგინოს არაუგვიანეს საბანკო გარანტიის მოქმედების ვადაში მისამართზე: სს „ბაზისბანკი“ (ს/კ: 203841833), წმ. ქეთევან დედოფლის გამზ. #1, თბილისი, 0103, საქართველო, თბილისის დროით (UTC/GMT +04:00 hours) 17:00 საათის ჩათვლით, კანცელარიის სამსახურში, ვაჭრობის ფინანსირების და ფაქტორინგის განყოფილების საყურადღებოდ.

საბანკო გარანტია ავტომატურად უქმდება ქვემოაღნიშნულიდან ერთ-ერთი გარემოების დადგომისთანავე:

- ბენეფიციარისათვის იმ თანხის სრულად გადახდით, რომელზედაც გაიცა გარანტია;
- საბანკო გარანტიის ვადის გასვლით;
- ბენეფიციარის მიერ გარანტიიდან გამომდინარე თავის უფლებებზე წერილობითი უარის თქმით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს მოქმედი კანონმდებლობით.

წინამდებარე საბანკო გარანტისთან დაკავშირებული დავები განიხილება საქართველოს სასამართლოს მიერ.

პატივისცემით,

მანანა ვახტანგიშვილი
ვაჭრობის ფინანსირების და ფაქტორინგის ჯგუფის უფროსი

სალომე იმედაძე
ვაჭრობის ფინანსირების მენეჯერი



ბენეფიციარს შეუძლია გადაამოწმოს საბანკო გარანტიის სარწმუნოობა სს „ბაზისბანკის“ ინტერნეტ გვერდზე <https://guaranteedoc.basisbank.ge>

ფასების ცხრილი (ექსკავატორ - დამტვირთელი)

N	ტექნიკის დასახელება	განზომილება	რაოდენობა	გამოშვების წელი	წარმოშობის ქვეყანა	მწარმოებელი	მარკა -მოდელი	ერთეულის ფასი	ღირებულება
	ექსკავატორ- დამტვირთველი(მრავალფუნქციური ტრაქტორი)	ცალი	1	2023	თურქეთი	სს ჩუქუროვა მაქინა იმალათ ვე თიჯარეთ/ Çukurova Makina İmalat ve Ticaret A.Ş.,	მარკა: ÇUKUROVA მოდელი: 888	257257 ლარი	257257 ლარი

BUSINESS GROUP 2010 LLC Digitally signed
by BUSINESS GROUP 2010 LLC
Date: 2024.03.26 11:24:43 +04'00'